



## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manuscriptis Codicibus, Qvarvm permultæ antehac nunquam  
in lucem prodire

Complectens Sanctos Mensivm Septembris Et Octobris

**Surius, Laurentius**

**Coloniae Agrippinae, 1576-**

**VD16 S 10262**

De S. Gerardo abbate Broniensi.

---

[urn:nbn:de:hbz:466:1-77413](https://nbn-resolving.org/urn:nbn:de:hbz:466:1-77413)

Transfe-  
runtur SS.  
Euualdorū  
reliquiæ à  
S. Annone.

dentium loculis positos, ego peccator & seruus seruorum Dei, Anno secundus Colonienſis Archiepiſcopus, licet indignus, tranſtuli: vt qui iam recepti ſunt in caeſti ſpeculatione, apud nos aliquo digni haberentur honore: quatenus omnipotentis Dei, pro quo paſſi ſunt, miſericordiã tanto ſtudioſius pro nobis expoſtulent in caelis, quanto magis apud nos pro modulo noſtro glorificentur & honorentur in terris. Adium autem eſt hoc coram teſtibus ſubnotatis: Etzelino Pꝛepoſito, Berengario Decano, Euerhardo, Ruotberto, Bertulpho, Regenboldo. Coram laicis quoquẽ, Francone vrbiſ pꝛæfeſto, Hermanno Comite, Gerardo Comite. Et vt veriũs credatur, firmiusque in poſterum teneatur, hanc in teſtimonium chartam conſcribi feci, & in eodem monaſterio in memoriale futurum reponui. Tranſlatio verò pꝛædicta, facta eſt anno Dominicæ incarnationis milleſimo ſeptuageſimo quarto, Indiſtione vndecima, quinto Nonas Octobris.

VITA SANCTI GERARDI ABBATIS, AD  
GONTERVM BRONIENSEM ABBATEM, A QVODAM  
*erudito monacho fideliter conſcripta ſtylo ferè rhythmico, quem  
propterea F. Laur. Surius in gratiam Lectoris  
paſſim mutauit.*

PROLOGVS AVTHORIS AD GONTERVM ABBATEM.



DOMINO patri amantiſſimo, & paſtori vigilantiffimo atque Abbati Bronienſis cænobij Gontero, quidã profeſſione monachus, religione nullus, vnã cum grege ſibi commiſſo, paſcua vitæ ſempiternæ. Iubet tua paternitas, pater chariſſime, atq; ad eò filiorum tuorum mellitæ nos compellunt preces, vt de domini Gerardi vita, cõuerſione & virtutibus ſcribentes, tanquã nucleo quodãdam vobis apponamus: vñ hac ſpiritali reſeſtione interiorem hominem, patris illius amore vulneratum, (vulnerari quippè charitate eſtis etiam vos) communiter reſocillare queatis. Sed hac in re quæ nos remorentur, paucis accipite. Abſterret nos tanti viri excellentia, abſterret calami noſtri imperitia, tum quoquẽ æmulorum ſocors obtrectandi libido, atque eius, qui ante nos vitam beati viri conſcripſit, dictio obſcurior, quã vt à minũs capacibus poſſit intelligi. At nihilo minũs tamen hæc omnia veſtræ iuſſioni poſthabẽtes, licet tantæ ſarcinæ impares ſimus, etiam non abſque pudore vobis obtemperare ſtatuiſmus: multũ noſtram confir-  
mante puſillanimitatem ſententia illa, qua veriſſimè dictũ eſt, Vires quas imperitia denegat, eas à charitate miniſtrari. Qua ego ſententia animatus, aliquid attentare auſus ſum, mihi certiſſimè perſuadens fore, vt iuſſionis veſtræ authoritas culpã omnem meæ imperitiæ excuſet. Simul autem rogatos vos velim, vt pro veſtra erga me beneuolentia, ſuperuacanea reſecetis, hiantia ſuppleatis, commodè dicta hilariter accipiat, noſtrumque munuſculũ paterna gratia proſequamini. Itã enim & nobis operis noſtri ratio conſtabit, ſi ea, quæ ex viri Dei geſtis excerptiſmus, ſubtili ſapientum iudicio comprobentur. Vale vir Dei, memor noſtri. Valeant, qui nobis benè volunt: æmuli reſipiſcant.

Gregorius  
Papa I.

PRAEFATIO EIVSDEM AD LECTOREM.

Psal. 67.

Virtus Domini tanto pꝛædicatur glorioſius, quãto in ſanctis mirabiliũs operatur. Operatur enim Deus in ſanctis, vt per eos & in eis ſe declaret admirabilem. Hinc illa admirabũda vox Prophetæ exclamantis: Mirabilis Deus in ſanctis ſuis. Laus ergò cuiuſlibet è ſanctis, proculdubiò laus Dei eſt. Laudandi igitur ſunt ſancti, vt magis magisque laus Dei augeatur. Quamobrẽm etiam eum, de quo agimus, ſanctum laudando, & reuerã illum efferimus, & efferendo reuerã laudamus: vt per eum, & in eo laudetur, magnificetur, mirificetur laudabilis & mirabilis Deus.

VITAE

## VITAE HISTORIA.



**V**IR Domini Abbas Gerardus, exequendis Domini mandatis mirè aptus & idoneus, immò caelesti beatitudine per omnia dignus; vti veridicorum hominum relatione comperimus, ex ingenuis atque orthodoxis parentibus apud Stallerelbas Lomacensis territorij vicum procreatus est: claris quidem natalibus illustris, sed morum integritate illustrior. Pater eius Aetantius ex profapia Haganonis Aufrasiarum Ducis ortus: mater Elecrudis, Stephani Tungrorum Episcopi soror germana fuisse memoratur. Praestitit autem illi gratia caelestis, vt ab incunte aetate & annis & sapientia proficeret, & tam apud Deum, quam apud homines, gratosus esset. Etsi autem annis iuuenulus erat, at iuuenum tamen impudica & obscœna colloquia detestabatur: potiusq; ad bonorum sese familiaritatem adiungens, summoperè vitabat prauorum consortia. Ità eum, qui corporis splendida iuuentute ornabatur, etiam mentis sancta canities egregiè commendabat. Crebrò verò, idq; ardentè, sacrarum eadè limina terens, ecclesiasticorum dogmatum fluenti auidè hauriebat: atque illic salutaria pro suo captu monita percipiens, quanuis etiamnum laico habitu tegetur, accuratè ea tenaciori memoria complectebatur, secumq; ruminabat: & iam teneriori pectore meditabatur, quæ postea multa animi deuotione peregit.

Horrens amplecti luxus & ludicra seclī,  
Emeruit fieri templum spiraminis almi.

Ea tempestate Comes Berengarius Namurcense castrum obtinebat: cuius posteri ibidè hactenus perseuerant. Ei verò athleta Dei Gerardus cōmendatus est, vt militiæ apud illum vacaret. Præcipuum autè apud eum amicitia & familiaritatis locum obtinuit, ità vt Comes pro eius arbitratu comitatum administraret, ei præ cæteris difficiliora magisque arcana committeret: quandoquidem, quod perrarum est, & militia & consilio præstabat. Multa ei ad consulendū prudentia & perspicacia inerāt, magnam in rebus ipsi creditis fidem ostendebat. Eximia oris aderat facundia, vultus iucunditas, animi serenitas, in colloquijs mira suauitas, in conuictu singularis comitas & mansuetudo, in iudicijs seueritas, ad opem ferendam virilis strenuitas. Licebat inueniri illum munitum inuicta prorsus armatura, fidei galea, lorica iustitiæ, gladio spiritus, quod est verbum Dei, scuto æquitatis impenetrabili. Atque hunc in modum prædijs vallatus inexpugnabilibus, spirituales nequitijs indefessus debellabat. Celabat illum quidem paludamentum, quemadmodum olim S. Sebastianum, sed monachum declarat frugalitas, perindè vt militantem S. Martinum. Multa illi erga cōmilitones benignitas, mira charitas, rara patientia & humilitas. Itaque haud secus ac parentem illum reuerendo venerabantur: & tanquam dominum venerando reuerentur. Ille verò thesaurizabat in celo, vbi neque tinea, neque æugo demolitur. Nudos tegebat, egentes alebat, laborantibus opem ferebat, pusillanimes confirmabat, pupillos tuebatur, viduis adminiculabatur, oppressorum suscipiebat patrocinia, miseris opitulabatur.

Pacis amator erat, litem rixasq; fugabat:

Ceu vir Apostolicus, est omnibus omnia factus.

At verò tanti viri conuictu & cōtubernio Comes non medio criter lætabatur, non dubijs argumentis crebrò expertus, Domini Iesu manū esse cum illo: quippè cui opitulante Deo, cuncta cederent ex sententia. Itaque cum agrè posset eius ferre absentiam, rarò eum patiebatur à sua præsentia abesse. Cumque aliquandò pro nobiliū consuetudine cum suis venatū iret, è re sua arbitratu est fore, si hunc quoque sanctum virum secum educeret. Post eum igitur venadi laborem, sole eousq; progresso, vt iam prandendi hora ad cibū capiendum vocaret, Comes cum sua familia domū cogitat. At ille Dei amicus, spiritualia corporalibus anteponeus, propinquā Bronij ecclesiam adit, quæ cum quibusdam prædijs adiacentibus à progenitoribus eius ad ipsum successione deuoluta erat. Erat enim illi prædiorū ampla possessio, quippè qui nihil à Maiorum suorū virtute degeneraret. Hoc verò oratoriolum iussu Pipini principis fundatum accepimus, & à domino Lamberto Tungrensi Episcopo dedicatū: vt cōmodius illic diuinis posset interesse officijs, vtpotè quod in nemoris vicinia situm esset, vbi

Osobris 3.  
Cap. 1.

Patria &  
parentes S.  
Gerardi.

Vitar mala  
consortia.

Cap. 2.  
Militat  
apud Co-  
mitem Be-  
rengarium.

Dotes cor-  
poris & ani-  
mi eius.

Ephes. 6.

Matth. 6.

I. Cor. 9.

Cap. 3.

Comes vix  
eius fert abs-  
sentiam.

Bronij ora-  
torij à Pi-  
pino con-  
ditum.

Oleum ex saxo fluit.

princeps ille sæpenumerò in venationē incumbere solebat. In quo etiam iucundum sanè quandoquē miraculū contigisse ferunt, ex saxo quodam à beato Lamberto antiſtite inuncto, aliquandiū largiter oleo promanāte. Cum hūcigitur eſſet vir Dei Gerardus, ſacerdotem iubet accerſiri, qui Chriſti myſteria tractet. Interim ipſe, vt decebat ſeruū Dei, orans, diuinā vacat contemplationi: & dum longas ad veniendum moras neſcit ſacerdos, diuinitus in beatum virum ſopor irruit, didicitque in ſpiritu, ſiue per diuinam reuelationem, locum & formam oratorij, quod poſtea exædificauit.

O felix ſomnus, felix per cuncta Gerardus,  
Talia cui Dominus dignatur pandere Chriſtus.

Cap. 4.  
Viſio ſancti viri.

Huius Eugenij reliquiarū partem quandam S. Gerardus tranſtulit Bronium.

Vidit enim in viſione Eccleſiæ columnas Petrum & Paulum ſibi adſtare: quorum alter primus in Senatu & agmine Apoſtolico, manum ſuam ipſius manui viſus eſt inferere, eumque per eccleſiam & atrium familiarius circunducere. Porrò ſciſcitante viro Dei, quid ſibi eiſcemodi inambulatione velit, cœpit eum admonere de cōſtruendo oratorio, dicens eum ſe locum ſibi delegiſſe, & filiolum ſuum Eugenium martyrem ſibi cooperatorem adhibuiſſe. Loci, inquit, huius patronus ego eſſe conſtitui, poſtque Deum cuſtos procuratorque benignus. Hac promiſſione exhilaratus beatus Gerardus, ſcire cupiebat, quo pacto res ad effectum perducī poſſet. Quanam, inquit, ratione paſtor egregie, tanti martyris ego me ſperem corpore potiturum? Reſpondet ei Apoſtolus iucundiori facie: Itāne Deo quicquam eſt impoſſibile? Tu huius rei curam in Deum & in me reijce. Porrò hanc ædem à fundamento euerſam, auguſtiorē atque elegantiorē nē differas extruere, & quemadmodum nunc tibi oſtenditur, omnem eius ſtructurā abſoluere. Interim indicabat ei & oratorij formam, & vt quilibet eius partes cōſtruedæ eſſent. Iam verò ſacerdos accitus aduenerat, & pro more compoſitus, Miſſam celebrare volebat, nec tamen vel ſtrepitu vel contactu eum excitare auſus erat, ſatiūſ exiſtimans, vt eum vltro ad ſe redeuntem ſuſtineret. Tandem viſione illa completa, beatus vir expergiſcitur, & ſubmurmurantem preſbyterum ob diuturnam expectationem, blandè alloquens, his verbis compeſcit:

Obſecro, ſerue Dei, ſuper hoc abſiſte moueri.  
Proficuum valdè mihi ſomnum ſic ſubiſſe,  
Condignas nequeo grates perſoluere Chriſto,  
Cuius mira breui pauſans miracula vidi.

Cap. 5.

Vide Seuer. Sulpitiū de Vita S. Martini.

Bronieſem eccleſiam cōdit & dotat S. Gerardus primò Clericis.

Quòd ſi quis obtrectator eam viſionem phantaſticam & vanam calumniari velit, conuincetur ille atque pudeſcet ex re planè conſimili, quæ in beatiffimi patris Benediſti vita commemoratur: pura dormientibus diſcipulis, omnes eum cuiuſdam ædificandi cœnobij officinas deſignāſſe: atque etiam cum euigilaſſent, adhuc hæſitantes, ita eas cōſtruere iuſſiſſe, quemadmodum ex reuelatione didiciſſent. Quinetiam ſanctus Ambroſius Mediolanenſis Epiſcopus, ſacro altari aſſiſtens, apud Turones legitur magni Martini ſolemnibus exequijs interſuiſſe. Sed vir Dei Gerardus, Apoſtolice iuſſionis promptiſſimus executor, poſtquam ſtructuram illam omnem compleuit, illi baſilicæ munus eximium contulit ex copioſis prædiorum ſuorum redditibus, quod ſatis eſſe poſſet eo in loco Domino ſeruieribus. Inſtituit enim illic Clericorum ſodalitatem, eoſque pro data ſibi ſapientia docuit ad Canonem præſcriptum, ſiue more Canonico, viuere.

Talis relligio præceſſit tempore primo,  
Donèc dante Deo, monachorum inducitur ordo,  
Rebus & officio longè præclarior illo.

Cap. 6.

Mittitur legatus in Franciam.

Viſitat S. Dionyſiū & ſocios martyres

Eo autem oratorio ſic cōſtructo, & Clericorum miniſterio, vt dictum eſt, illic inſtituto, multum cogitare de theſauro cœpit vir beatus, quem Apoſtolus ei in viſione promiſerat: id eſt, qua ratione poſſet conſequi, vt beati Eugenij Epiſcopi & martyris ſacro corpore potiretur. In ea autem cogitatione crebrò illo verſante, Comes Berengarius, quadam oblata occasione, diuina id agente prouidētia, legatos mittere voluit in Gallias ad illuſtrē Comitem Robertum, quem poſtea conſtat ad regni Francorum ſceptra perueniſſe. Accito igitur ad ſe viro Dei Gerardo, ſolus ſoli explicat arcanum conſilium ſuum, orans eum peramanter, vt ipſe eam legationem ſuſcipere velit. Nihil verò cūctatus vir Dei, cum ſuis ad iter ſe accingit, & intrā dies non multos venit Lutetiam. Cumque iam ad occaſum vergere ſole, tardior hora non ſineret vltteriùs progredi, quosdam è ſuis iubet opportunū hoſpitiū inquirere. Ipſe interim cum paucis veneranda beatorum Dionyſij & ſociorum eius martyrum limina petens, Deo piis offert preces,

preces, & optata sanctorum patrocinia implorat. Ea dem hora nō sine nutu Dei Vespertinas preces monachi persoluebant. Eorum suaves cantiones vir ecclesiasticus attentius auscultat, & cum ventum est ad eum locum, quo solet fratrum chorus Sanctorum suffragia speciatim expetere, & iam quidam nominatim expressi essent, audit etiam commemorari Eugenium optatissimum martyrem. Sed interim tamen apud se non mediocriter hæsitat, sit ne ille Eugenius, cuius nomen antea in visione didicisset.

Et cœpit secum tacitus deposcere Christum,

Vt se suspensum celeraret reddere certum.

Absolutis in dē Vespertinis hymnis, seorsum ex primis fratribus quosdam abducit, eosq; ita compellat: Obsecro vos, domini & patres charissimi, vt exiguatati meæ indicare velitis, quisnam ille sit martyr Eugenius, cuius nomen inter ceteros sanctos à vobis audiui commemorari. Illi, animaduersa hominis simplicitate, innocentia & candore, hunc in modum respondent: Ignoras, pater venerande, hunc Eugenium Tolanum fuisse Episcopum? auditorem quoq; patroni nostri sanctissimi Dionysij, eiusq; collegam in spargendo apud infideles verbi cælestis semine? Qui tandem diris pœnarum cruciamentis confectus, cælo spiritum reddidit cum insigni triumpho, sui sanguinis imbre perfusus. His auditis, non potuit vir venerandus animi sui celare lætitiā, sed suum illis desiderium aperiens, & nē cui id reuelēt, obnixè rogans, ita ait ad illos: O mihi nimium dilecti, Deoq; deuoti patres, si nō molestum esset benignissimæ charitati vestræ, mihi tantillo homuncioni huius sancti largiri reliquias: credite mihi, sine mora par pari vobis referrem. Tum illi multum obstupefacti, Quanam, inquit, ratione fieri potest id, quod postulas vir beate? Vix enim quisquam sufficere possit omnibus referendis miraculis, quæ ab illo in Gallijs patrata sunt. Vndè haud secus, atque Angelum Dei, omnes Eugenium complectuntur. Crede nobis, rem sanè difficilissimam postulas. At ille respondet: Nè sic, quæso, loqui velitis patres mei, nec mihi huius beneficii spem tam citò eripere. An verò inualida est Domini manus? Num quicquam illi difficile est? Vbi diuina adest volūtas, ibi difficultas omnis vt faceflat oportet. Vbi autem nulla est difficultas, non potest non præstò esse expedita & prompta facultas. Ex his verbis patres illi magnam beati viri prudentiam colligentes, animi sui propensam erga ipsum voluntatem prorsus aperiuere, aiuntque ad eum:

Eià vir Domini, perpaucis, si placet, audi:

Accipe consilium, si vis attingere votum.

Si animum tuum diuinus, quandoquē compungeret amor, cuperesque hoc in loco monachus fieri, forsatis Deus voris annueret tuis, vt quod tantoperè expetis, beati martyris corpus obtineres. Hæc quidem nostri consilij summa est: tu quid tibi agendum sit, tecum ipse perpendas.

Post hos sermones abscedunt ad sua fratres:

Sanctus ad hospitium deducitur antè paratum.

At verò consolatoria fratrum illorū verba secum accuratè, idq; crebrò pensitans, sub ipsa nocte manantibus ab oculis lachrymis, & ex imo pectore ductis suspirijs, tandem aduersum se in has prorupit voces: Quid agimus, anima? quid ita diligimus vana? Ecquid tandem prodest mundi huius gloria? quid pompa fastusq; omnis emolumentum habet? An non prorsus friuola sunt hæc, planeq; caduca? An non instar fumi & vmbre citò euanescent? Quid ita sub ambiguo fluctuas, & dubia iactaris animi sententia? Mundus transit, & concupiscentia eius. Spretis igitur labentibus & caducis, quaramus, oro, permanentia. Nonne sermo Euangelicus apertè testatur, Qui non renunciat omnibus, quæ possidet, nō posse eum esse Christi discipulum? Renunciemus ergo, renunciemus omnibus, vt Christo possimus liberius vacare & adherere. Hæc & id genus alia dum secum tractat flens & lachrymans athleta Dei, cælo rubescente, sol terris lucem refundit, cogitq; eum cœpto pergere itinere. Rebus autem ex sententia confectis, non multo post ad Comitum, à quo missus fuerat, regressus est. Cumque ei ordine cuncta exposuisset, iam cælestia animo contemplans, desiderij sui actus inter alia explicat, ita dicens: Oro te, vir illustrissime, quem Dominus Iesus voluit esse principem populi sui, vt benignas precibus meis aures accommodes. Equidē iam non parum diu sub te militiæ operā dedi: at nūc hæc dies aliud postulat, nēpe vt de alia viuendi ratione cogitem. Itaq; monastico indutus habitu, deinceps cōstitui habitare in domo Dei mei, vt ab omni mundi huius cura absolutus, vni Deo vacare queā. Noli que

Cap. 7.

Intelligit à monachis S. Eugenij corpus ibidem requiescere.

Innumera S. Eugenij in Gallijs miracula.

Stabant ei fratres, vt fiat monachus, si velit rogatas obtinere reliquias.

Cap. 8.

1. Iohan. 2. Luc. 14.

Petit à Comitibus missorū, vt possit monachus fieri.

so, noli refragari huic meo proposito, vt si quid in monasterio rectè à me gestum erit, tu, auspice Christo, eius particeps effici merearis. Tum verò Comes, subortis lachrymis, singultiens respondet: Itane amicorum amicissime, amicum prorsus vnanimem deserturus es? Ecquid verò tibi in me displicuit? In te, cheu, hæc tunc recumbebam, in mutua inter nos concordia atq; animorū conspiratione acquiescebam. Sed vt conijcio, Euangelica autoritate edoctus, gladius Saluatoris nos vult alium ab alio separare. Alioquì nisi diuinitus isthuc fieri existimarem, quis te vel centimanus gigas à meo posset complexu diuellere? Nunc verò, quando tibi celsit̃ hic animus adspiratur, nè temerè videar aspernari preces tuas, fiat voluntas Dei, & quod tu petis à me.

Math. 10.

Valedicit ei  
Comes cum  
lachrymis.

Dulcia fraternis tunc imprimi oscula labris,

Edidit & talem moesto de pectore vocem:

Nostra pars animæ, nostri memor esto, valeque.

Atque gemens valdè, permisit abire gementem.

Cap. 9.  
Cofulit Epi-  
scopū Tun-  
grensem S.  
Gerardus.

Porro vir Domini indè recedens, ad Tungrensem Episcopum Stephanū rectè proficiscitur: vt quia post summū pastorem, pastor eius erat, ab eo hac in re & consilium peteret, & facultatē. Plurimum enim id sibi profuturum credebat, si cum Episcopali benedictione hostia viua Deo offerri mereretur. Ab illo autem ea, qua par erat, reuerentia acceptus, siue quòd ei cognatus esset, siue quòd eius sanctitatē optimè nōset, inter mutua de rebus salutaribus colloquia, aperit ei causam aduentus sui. At venerabilis antistes, vt erat & in scripturis eruditissimus, & ore facūdissimus, multis eum verbis præmonere cœpit, ita dicens: Equidem, fili mihi charissime, nō derogo quicquam deuotioni tuæ: sed tibi summoperè cauendum est, nè ausus sis in humeros tuos sarcinam imponere, quā postea, velis nolis, cum ignominia deponas. Animi tui propositum non potest non plurimum commendari, sed etiam perfectioribus viris formidabile videri potest. An tu ignoras, in mille sese formas transferentis satanæ versutias? Quod ergò vix potest clericus, diuinæ scripturæ clypeo munitus, quoniam pacho laicus sibi promittet, eo præsidio destitutus? Ad quæ Christi tyro sic respondit: Et ego, mi pater, hæc ipsa nō semel reputaui mecum: sed non ego meis nitore viribus, sed Domino commendans corpus & animam, mundi huius gloriolā cum suis oblectamentis cōtemno. Tum rursus Episcopus: Quando, ait, fili charissime, animo te video esse fixo & obfirmato, nè videar dissuadere, quod potius hortari & persuadere debeam, si quid vouisti Domino, id reddas. melius est enim non vouere, quàm post votum promissa non reddere. Deindè ab omnibus eum peccatis absolvens, summæ Trinitatis signaculo consignat, & cum eum osculatus esset, hanc adiunxit benedictionem:

Stephanus  
Episcopus  
Tungrenf.  
hortatur  
eum, vt fiat  
monachus.  
Eccles. 7.

Iesu summa salus, hominum qui respicis actus,

Cui nihil occultum, cui pectora nostra loquuntur:

Ad bona, posco, tuum benedicens dirige seruum,

Vt tua iussa colat, & te super omnia quærat,

Vt tandem æternæ comprehendat præmia palma.

Cap. 10.  
Parisijs  
apud S. Dio-  
nyfium sit  
monachus  
S. Gerardus.

Hoc ergò munitus viatico, vir beatus ab Episcopo cū spiritali gaudio recedit, Parisiosq; ocyis rediens, & beati Dionysij optata reuifens limina, in omni obediētia, humilitate & patiētia probatus, quemadmodū in sua Regula docet sanctus pater Benedictus, rasō capite & barba, monasticum induit habitum, eiq; monasterio donauit, quæ iuris ipsius essent in Lotaringia. Nolens autem torpere ocio, quod sciret animæ esse inimicum ac perniciosum, obnixè rogauit, vt liceret ipsi literas addiscere. Quod cum valdè admirarentur fratres, velle hominē iam pridem barbatum, ad puerilia literarum studia applicari, ille rogare & instare non destitit. Itaq; vni è fratribus traditus est literis imbuendus. Vt verò plus etiam mireris eius humilitatem & solertiam, ipsa prima literarum elementa instar quinquennis pueri addidit. Nec quicquam de suo proposito remittens, intrā paucos dies totum Psalterium memoriæ commendaui. neq; id mirum, cum nulla sit ad discendum mora, vbi doctrix adest gratia spiritus sancti. Deindè proponuntur ei sacri codices, & ille diuinis dogmatibus præclare eruditur: & sicut apis sedula per pratorū volitat flores, vt mella comportet: ita & ille sanctorū Patrū scripta lectitās, diuini fauos eloquij ab illorū melliflua doctrina excipit, suoq; in pectore sacra mandata recondit. Nec interim tamen vilo tempore retrahi se finit ab exequēdis illis, quæ Canon monasticus iubet: immò verò in cunctis actionibus suis illū ceu magistrū sibi proponit. Id Prior & fratres tacite contēplantes, & qualis quātusve foret, haud obscurè peruidētes, nè lucerna sub modio lateret, idoneum censent,

Dicit pri-  
ma literarū  
elementa.

Magnū fa-  
cit in perdi-  
scendis lite-  
ris fructum.

cessent qui sacris initiatur. Paulatim igitur promotus, etiam presbyterij gradum at-  
tigit, quippe qui omni probitate & integritate conspicuus videretur. Etsi autem pla-  
nè recularè, & multis modis indignum se clamitaret, at tamen à Priore & fratribus  
victus, illorum coactus est cedere voluntati, nè obediètiã negligere videretur, quæ  
cæterarum virtutum comes esse solet. Itã ergò altero suæ conuersionis anno Parisijs  
à Theodulpho Episcopo minores accepit ordines, & tertio ab eodem antistite hypo-  
diaconus ordinatus est. Ab eius verò successore Fulrado, anno quarto à conuersione  
sua, diaconus est ordinatus. Porro nono anno iam virtutibus sublimiter ornatus, eti-  
am sacerdotio initiatus est à Fulradi successore Adelaelino.

Sacris ordi-  
nibus gra-  
datim ini-  
tiatur.

Tale charisma tuis bonæ Christi fidelibus addis,

Qui mentem stolidi, prudentem reddere nôsti.

Eccè rudis laicus diuino dogmate doctus,

Sacris Ordinibus reperitur magnificatus.

Per id tempus illo in monasterio religiosa monachorũ congregatio florebat, quò-  
rum pectora non nisi cælestia suspirare, per multa virtutũ documenta declarabant. In  
quibus etsi beatus Gerardus ordine postremus erat, magno tamè opere in id incum-  
bebat, vt nulli esset virtutum studio & exercitatione secundus. Seniores honore præ-  
ueniebat, iuniores amore & beneuolètia complectebatur, corpus suum macerabat  
inedia, crebrò in precibus pernoctabat. Cunctis ex animo se credebat inferiorem, in  
omnibus se Dei ministrũ exhibebat. Canonis monastici cultor erat strenuus, ab eius  
legibus desistere planè reformidans. Quod habitu præ se tulit, moribus & vita præ-  
stare contendebat. In vestibus eius vilitas, in victu parcitas cernebatur. Ad obediètiã  
promptum, ad iniuriã patientem se præbebat. Voluit corpus suum humiliare  
in terris, vt anima quandoq; in cælis exaltari mereretur. Quanta erga superiores hu-  
militate, erga omnes humanitate & benignitate fuerit, quis vel verbis cloqui, vel scri-  
pto cõprehendere queat? His verò & consimilibus virtutũ floribus redimitus, omni-  
bus tam magnis, quàm pusillis, ex animo charus erat: tantiq; fiebat à fratribus, vt com-  
muni omnium sententia decretum sit, nè quid magni momenti intrã monasterium  
absq; eius consilio fieret. Sentiens autem ille opportunum petendi tempus adesse, &  
beati Eugenij martyris sacras reliquias impetrandi, fratres pariter congregatos sic al-  
locutus est: O patres & domini mei, ó diuinæ religionis cultores eximij, ó cæli sena-  
tores, intrã curiam cælestis paradisi degentes: quas ego vobis gratias referre possim,  
qui me peccatorem & in procellosi huius seculi fluctibus naufragium facientem, in  
tranquillum vestri cœnobij portum comiter recepistis? Non est certè huius villa apud  
me facultas, nec possum vnquam tanto beneficio par esse. Sed tamen potest abundè  
sarcire Deus benignitate sua, quod hominis fragilitas præstare non potest. Quorsum  
autem hæc mea tendat oratio; paucis vos accipere velim. Cùm adhuc secularis me  
habitus teneret, & alicuã curã plurimum occuparent, sicut mihi testis est Deus, diui-  
na mihi dormienti se visio obtulit, admonens, vt in principis Apostolorum & eius fi-  
lij martyris Eugenij honorem, in ditionis meæ angustijs oratorium extruerem. Parui  
ego, & Domino adiuuante, breui illud absolui, Clericisq; illic Deo seruituris attribui,  
addens pro mea tenuitate, quæ illis ad victũ vestitumq; sufficerent. Cùm sit igitur de  
hoc martyre diuinitus apud me facta mentio, supplex oro & obsecro vos, præsertim  
cùm singularis ecclesiæ vestra tot sit sanctorum instructa luminibus, vnde tota possit  
Francia illustrari, vt ea, quã dixi, inops basilica à me condita, hoc thesauro ditetur, &  
vobis reddat Deus gratiã in præsentem, gloriã in futura vita. Respondent vnanimiter  
fratres: (Diuino enim instinctu permoti, non poterant abnuere, quod petebatur) O  
Eugeni, clarissima martyriũ gemma, quis pro dignitate tuas possit laudes depromere?

Gallia nõne tuis virtutibus enitet omnis?

Nemo tuum petit auxiliũ, quin impetret illud:

Nam cunctis nõsti languoribus ipse mederi.

Deindè ad virum Dei: Magna quidem, inquit, postulas pater dulcissime, & quæ cui-  
uis, te dempro, possent iustissime negari. Sed quando, vt ais, diuinè sic placet volũtati,  
& optimè de nobis merita est tuã inter nos imitanda vitæ cõuersatio, cum multa ani-  
mi propensione & alacritate assentimur pijs precibus tuis. Nostri enim inter nos  
omnia & sunt & oportet esse cõmunia, magis verò cum fraternitate tuã, cuius facul-  
tates nostra ecclesiã possidet. Quam obrẽm & eum, quẽ petis, beatissimũ Eugenium  
spontè damus, & aliorũ quoq; reliquias nõ negamus. Quibus auditis, quo tũc animo  
fueris

Orat fra-  
tres, vt dent  
ipsi reliqui-  
as S. Euge-  
nij.

Exponit eis  
suam visio-  
nem.

Donantur  
sancto viro  
reliquia S.  
Eugenij.

Vnus ex pu-  
eris ab He-  
rode cæsis,  
habetur  
Bronij.

Adit Episco-  
pum Tun-  
grensem S.  
Gerardus.

Cap. 12.

Per visionē  
castigatur  
monachus  
negligēs et  
ga sacras  
reliquias.

Matth 25.

fuerit vir Dei, quisq; ex seipso, modò sic affectus sit, facillè potest intelligere & asstima-  
re. Post hæc salutifera optatissimi martyris theca exponitur, quouis auro preciosiores  
illius artus continens: eaq; vt par erat, honorificè ab aurifice fabrefacta, beato viro  
traditur ad sua, vt diù desiderârat, absportâda. Nemo verò hîc à nobis ob fidem faci-  
endam exigat nomina eorum monachorum, qui tûc apud S. Dionysium fungebantur  
ministerijs, quos officiales vocant, cum illos nominatim expressos contineat ipsa  
sancti martyris translati verissima historia. Neq; tamen huius vnus duntaxat corpus,  
sed multorum etiam aliorum sanctorum pignora illinc eum absportâsse constat, que  
vn decunquè collecta illic fideliter reposuerat. Immodò sanè, quod vix incredulis credi-  
bile videatur, fertur etiam vnum ex innocentibus pueris, cum coætaneis ab Herode  
rege cruentissimo occisum, secum attulisse, qui in Broniensî ecclesia certissimè habe-  
tur. Quòd si cui id dubitationē affert, ex Lieraldo Abbate percontetur, qui huic bea-  
to viro in cœnobij Mosonienfis gubernatione successit, qui cum eo præsens ad clan-  
destinam tot reliquiarum compositionem, demirari solebat, Broniensis ecclesiæ an-  
gustijs tam mirabilem contineri sanctitatem. Deniq; fratres viro Dei valefacientes,  
eum cum socijs à se dimittunt. At ille clanculum profectus ob indigenarum metum,  
nè fortè illi perciperēt tantum ipsi ereptum thesaurum, prospero cursu peruénit ad  
pagi Lomacensis prædium Cuuinium, vbi duo ex S. Germani cœnobio monachi de-  
gebant, cuius tum erat fundus eius loci, vnanimiter illic in sancti Abbatis Venantij  
obsequijs cura peruigili excubantes. Eorum exploratæ satis fidei S. Eugenij pignora  
commendans, (Iam pridem enim illi erant familiaritate coniuncti) non alienum pu-  
tauit adire Stephanum Tungrensem Episcopum, vt quia tam insigne in eius diocè-  
sim margaritum importabat, eius ea de re sententiam audiret.

Sic decorare suos consuevit Christus alumnos.

Hic, spretis opibus, eius mandata secutus,

Vndè nitet patria, cum merce repatriat ista.

Postquam autè vir Dei indè digressus est, beati martyris corpusculo illic relicto, quid  
ad laudem nominis sui per eum Dominus operatus sit, absurdum videtur silètio præ-  
rerire. Alter ex memoratis fratribus, quadam nocte solito largioribus indulgens po-  
culis, ad nocturnas laudes redditur tardiusculus, ob potùs excessû nimio somno præ-  
grauatus. Ecce autem adest S. Venantius, vultu seueriori corripit eum, verbis etiam  
verbera addit. Quid ita nunc stertis, inquit, impudēs monache? Cur debitos Deo hy-  
mnos cunctantius persoluis? Quarè somno opprimeris ô Vuerenberte? Sic enim ille  
vocabatur. En frater tuus Ermarus queritur de somnolentia tua, cum ille iam dudum  
ad noctis vigilias expergefactus sit. Quòd si te non admodum sollicitum habet nostrî  
reuerentia, cur saltem non te mouet tibi commissi almi martyris Eugenij præsentia?  
An tu eius merita ignoras? An non ille inter splendida sanctorum agmina ita lucet, vt  
inter astra sol? Surge ergò, surge ocyùs, & quod maturius factum oportuit, vel tardiùs  
sarcire festina. Ea reprehensione adeò ille frater emēdatus est, vt deinceps ne ad bre-  
ue quidem spatium, nisi quatenus necessitas cogeret, à sancti martyris obsequijs dis-  
cesserit, donec ab eius fide creditor depositum reposceret. Nè quis autè incredulus id  
fidum existimet, nouerit ab eo, cui accidit, esse relatum. Cùm autè sanctus vir Episco-  
po indicâsset & nomen & aduentum egregij martyris Eugenij, continuò ille, vt erat  
iucundo animo & ingenio perspicaci, ad sacrum eius nomen alludens, ita ait:

Impetret Eugenius nobis, precor, Eugè, beatus,

Quod Dominus digno dignatur dicere seruo,

Quando reddit ei celestis gaudia regni.

Deindè pius ad cælum manus oculosque sustollens, Deo gratias agit, in hæc verba  
prorumpens:

Laus & honor, decus atque decor tibi Christe redemptor,

Qui famulis bonus immeritis bona multa rependis.

Quasnam multiplices tibi possum reddere grates,

Qui partes nostras hoc tanto munere ditas?

Martyr hic eximius nostra ad confinia missus,

Credo equidem, cunctis apportat dona salutis.

Porro conuersus ad virum Dei, Quid, inquit, differs fili charissime?

Rumpe moras omnes, & nequaquam, obsecro, cesses,

Donec perficias, quod toto corde peropras.

Eccè



Eccè à nobis edictum proponetur per loca vicina omnia, vt vtriusq; sexus frequēs caterua certatim eius in occursum properet, & magnū Eugeniū, cum magno eugē, introducant in locum illi iubēte Deo, te verò exequente, praparatum. Hac Episcopi benigna responsione vir Dei non mediocriter animatus, & eius autoritate confirmatus, celeriter Cuuinium reuertitur, optatissimi martyris pignus repetiturus. Quod ubi recepit, iter ingreditur, ac Bronium versūs, directo tramite, tendit.

Ecquis verò satis referre queat immensam populi turbam, in martyris occursum, cuius fama iam omnium aures impleuerat, vndique properantem? Ea enim fama

Multos vrgebat, multos properare monebat.

Procuruus fossor venit, & defessus arator:

Cernere subulcus desiderat atque bubulcus.

Seruus & ingenuus commixtū conuolat illuc.

Quis enim martyris pratercuntis rumorem auditione accepit, & domū deuotus desesque refedit?

Vix capiunt patuli populorum gaudia campi:

Munera comportant, deuota voce salurant.

Oscula perspicuo figunt impressa metallo,

Dulciter hymnidicas plebs omnis concinit odas.

Tollunt ad sidera voces, & Dei magnalia concelebrant. Videres iter illud non modò sine labore cōfici, sed etiam cum magna animorum alacritate, cum iucundo letantium iubilo. Crederes cælum ipsum aridere blandissima aëris serenitate. Vbi autem hæc ad notitiam venere Adelhelmi Archidiaconi, viri morū nobilitate clarissimi, (sub eius enim Archidiaconatu hæc gerebantur) accitis Clericorum ordinibus, ijsq; Crucis vexilla sanctorumque reliquias sue patrocinia congruenter præferentibus, non modico etiam cœtu promiscui sexus adunato, è cœnobio sancti Foillani derepentè obuiam processit. Postquam autè propius sacrum feretrū beatissimi martyris accessit, terribi se humili prostrauit: faciunt idem sui omnes, rundunt sua pectora prostrati, tundentesq; confitentur peccata sua, confitentes lachrymas edūt & suspiria, opportuna remedia implorant, & Deo pœnitentię sacrificia promittūt. Porrò spiritali gaudio cōpunctus Archidiaconus: Omnes, inquit, Deo gratias agamus, visitauit enim nos oriēs ex alto, & obscura vitiorum caligine fordescentes, tanti patroni gratuito lumine illustrauit. Quanta verò illic extiterit exultatio, vtroq; populo pariter congregato, quis scripro explicare queat? Præ nimia sanè lætitia multorum oculi dulcibus madebant lachrymis. Et quis tandem ita ferreo sit pectore, vt sub hoc spectaculo piæ cōpunctionis expers esse queat? Salutari illi sarcinæ alij post alios succedere, illam vel contingere, ex osculari, venerari, muneribus prosequi, prouehere percipiunt & lætantur. Plalabant alacres, resonabant vndiq; laudes. Omnes excelsa voce Kyrie eleison, Gloria in excelsis Deo, Te Deum laudamus, concinebant. Omnia illic præpotentis Dei laudibus personabant: Aetheris arx reboat, concentu terra resultat, Iuga montiū, concaua vallium, densitas nemorum reciprocas reddūt voces. Illuxit ne, putas, vnquam lux lætior vsquàm? Tali igitur cum iubilo, tanto cum tripudio Archidiaconi humeris, martyris reliquia Bronio illatæ sunt, atq; in beati Petri Apostolorum principis oratorio, loco diuinitus illis destinato, repositæ. Rursus autem offeruntur munera, promittuntq; sese in posterum eius patrocinia libentissimè frequentaturos, siue crebrè adituros. Ea tam iucunda translatio incidit in beati Agapiti martyris ferias, id est, mensis Augusti decimum octauum diem. Statutum est autem vna omnium tam Cleri quàm populi sententia, vt quotannis cultu celeberrimo recolatur. Omnibus festiuo gaudio peractis, ad sua quisq; reuersus est. Quisquis autem huius sancti suffragia fide non ficta expetit, celeriter ea experitur: grauissimè testate vicinia omni, ab eo die, quo eò aduectus est, multa ipsos inuisitata subsidia persensisse: & vt quondam in Gallijs per innumera miraculorum signa beneficium se exhibuit, quemadmodum testantur in scripta relata miracula: ita etiam nūc in Lotaringia crebrioribus virtutum impendendis beneficijs, munificum se præbet.

At verò longè lateq; virtutum seu miraculorum eius fama increbrescente, cœpit ad eius memoriam vndiq; multa hominum turba, perindè vt apes ad alucaria, cōfluere, pro viribus quisque munera offerentes multa cum animi deuotione. Aduentant plurimi & ex propinquis & ex longinquis locis, votiua dona permulta apportâr pijsimo martyri, ad afflictis ferendam opem semper paratissimo.

Aduc-

Redit eū factis religis ad Bronien-rium, monasterium.

Cap. 13. Innumera hominū frequentia accurrit ad sancti Eugeni reliquias.

Item Adelhelmus Archidiaconus cœ multis,

Ingens studium erga sacras reliquias.

Patrocinia, pro loco, in quo reliquias martyris feruntur.

Miracula multa S. Eugenijs.

Cap. 14.

Adueniunt multi, commissa ob crimina mœsti:

Sed precibus sancti, redeunt ad propria læti.

Inuidus dæ-  
mō ferre nō  
potest san-  
cti martyris  
honorē.

Verūm id molestissimè ferens humani generis inimicus diabolus, qui olim paradisi-  
ficulam ab æternis extruxit sedibus, in quorundam vicinorum Clericorum pectus in-  
uidentiæ virus instillauit, idq; adeò, vt illi conati sint tam honorificos sancti martyris  
cultus modis omnibus obscurare. Ij ergò ad eum supra memoratum Episcopum,  
Fossis tum fortè manentem, querulisq; sermonibus apud eum euomunt haustum  
maleuolentiæ putorem. Itane, inquit, pastor vigilantissime, autoritate & volunta-  
te tua sanctus quispiam aduentitius, nondum comperta rei veritate, in tui Episcopa-  
rūs ditione coletur? En aduectus nupèr è Gallijs Bronij colitur, incertum quis mar-  
tyr Eugenius, eiq; apportandis cereis alijsq; oblationibus tanta ab omnibus vene-  
ratio adhibetur, ac si sit vnus ex Apostolis. Sed vbinā textus vllus est martyrij eius?  
vbinam eius gesta scripta habentur? Oportet sanè prudentiam tuam accuratè per-  
ferutari & inuestigare, sit ne à Deo, vel aliundè potiùs hic Eugenius. Hæc & id genū  
alia fallaciter Episcopo suggerentes, in martyrem eum summopere concitare nitun-  
tur. At hîc nobis aliquantispèr appellandus est Episcopus ille: Audi, inquam, Episco-  
pe. Ego huius pagellæ author clam tibi dico in aurem. Solerter & accuratè cauend-  
um atque prospiciendum tibi est, nè quis inuidus maleuado sermone animum  
possit inescare tuum. Itane liuidum placare vis virtute relicta? Putredo ossium inui-  
dia, ait Salomon: & ethnicus author: Inuidus alterius macrescit rebus opimis. Va-  
pularis, crede mihi, vapularis durissimè, si fallaciosi æmulorum dictis fidem com-  
modaueris. Noli, quaeso, noli illis assentiri, nè postea serò te pœniteat. Sed quorsum  
multa? Quemadmodum Apostolus dicit, Corruptunt mores bonos colloquia ma-  
la: dum plùs iusto antistes maleuolis auscultat, prorsus oblitus est eius lætitiæ, quam  
ex beati martyris aduentu perceperat. Huius ergò toxici contagione correptus, Leo-  
dium proficiscitur, in clyti martyris cultū prorsus abrogaturus. Sed eum in villa Ma-  
lonia, vbi erat pernoctaturus, pede non claudo diuina vltio afflicta est. Vbi enim eò  
peruenit, nihil mali suspicātem repentè peruasit tantus ilium dolor, vt sibi videretur  
mox spiritum exhalaturus. Torquebatur sanè cruciatu acerrimo, & ne momenti quid-  
dem requie potiebatur. Cœpit igitur tanquàm mentis inops stridere dentibus, con-  
torquere manus, crura brachiaq; huc illucq; disijcere. Interim ab eius facie, quam  
modò rubor, modò pallor, interdum nigredo occupabat, vis doloris eius perspicuè  
potuit animaduerti. Tandem verò ad se reuersus, agnoscit culpam suam, atque hunc  
in modum sese reprehendit:

Ah Stephane infelix, quæ te sententia vertit?

Ah minimæ fidei, de martyre cur dubitasti?

Meritò nunc cæderis, meritò hæc pateris, meritò iam morieris. Cur inuidorum ad  
tuas aures admisisti mordaces sermones? Quid ita oblitus es magnum eugē Eugenij  
martyris? Hunc in modum sese incusabat, sese gemebundus agebat. Circumstantes  
verò presbyteri eius, quos capellanos vocant, lacrymarum imbre persusi, eum con-  
solantur, singulatimq; aiunt illi: Desine & te & nos, pater amantissime, tuis exercicia-  
re querelis: potiùs autem ijs, quæ pateris, malis aliquod remedium inquire. Tum ille  
ad quendam ipsi fidelem conuersus: Oro te, inquit, frater charissime, si quidem salus  
mea tibi curæ est, meq; optas sospitem viuere, binos cerco ad corporis mei longitu-  
dinem & latitudinem effingi vt cures ocyus, eosq; pro mea recuperanda valetudi-  
ne beati martyri Eugenio perferas: cui ego martyri me peccasse ex animo confiteor.  
Quòd si eius meritis discrimen mortis euasero, omni qua possum asseueratione con-  
firmo polliceorq; me accepti beneficii haudquaquam immemorem fore. Pater il-  
le Episcopi voluntati, & equo consensu, Bronium cum cereis aduolat, petit sancti  
martyris oratorium, infert in illud cereos, eosq; accensos instar Crucis cancellatim  
compositos, ad eius monumentum offert. Res sanè admiratione digna. Nam simul-  
atq; cerei absumpti sunt, morbo omni prorsus profligato, incolumitas Episcopo  
instaurata est. At ille nō ingratus tanto clarissimi martyris beneficio, gratum illi mu-  
nus repēdere decreuit, quod eius memoriam repræsenteret sempiternam. Accitum  
itaque Broniensis ecclesiæ æditum, qui, si rectè memini, Anselmus dicebatur, cum  
passione beati martyris Leodium ad se venire iuber, vt in futura synodo autoritate  
Episcopali ea confirmaretur. Quod cum ille grato fecisset animo, & in plenaria syn-  
odo passionis series recitata fuisset, cunctisque, qui aderant, admodum illa probare-  
tur,

Cereos du-  
os pro se iu-  
bet offerri  
martyri,  
ijsq; ab-  
sumptis re-  
ualcfcit.

tur, totius Cleri communi consilio decretum est, ut & martyr digna veneratione colatur, & eius passio rara & accepta, deinceps in ecclesia recitetur. Porro Episcopus, ceu testis idoneus verba faciens, non erubuit palam omnibus enunciare, quid ipsi accidisset, & quid passus esset, ac deinde subiungens: Audiuit, inquit, dilectio vestra, fratres charissimi, cuius meriti sit martyr iste, & quam sit horrendum in eius indignationem incidere: quam salubre eius gratiam promereri. Et quia paterno flagello castigans castigauit me, at tamē pro sua paterna clemētia morti non tradidit me, æquissimum sanē & honorificum videtur, ut vobis assentientibus, aliquo cum munere honoremus, ut apud clementissimum Deum pro nostris erratis intercedere dignetur. Eam sententiam cunctis approbantibus, Episcopus addidit etiam hæc: Decreto, inquit, Pontificio statuitur, & hæc sancta synodus ei subscribens assentit, ut per totam, in qua sanctus martyr quiescit, Decaniam solennitas eius instar Dominicæ diei celebretur, & ecclesia Broniensis ab omni obsonio, Leodiensi Episcopo ex debito persoluēdo, deinceps immunis sit. Utque isthuc perpetuis temporibus ratum inconuulsumque permaneat, nec ullus successorum meorum in irritum reuocare vel infringere ausus sit, quid mihi aduersus sanctum martyrē imprudenter & per ignorantiam calcitranti acciderit, perquirat: audiensque pertimescat, pertimescens caueat sibi, & quod à nobis sancitum est, inuiolatum conseruet. Eius autem decreti perpetim cōseruandi prima procuratio fertur fratri Flodino, id temporis eius loci Decano, demandata. At vir Dei Gerardus, de bono ad meliora contendens, & Broniensem ecclesiam in cunctis prouehere volens, Clericorum institutum, quod initio ipse eō introduxerat, inde remouit, & monasticum illi substituit. Cumque aliquādiū strenuissimi præfecti munus eo in monasterio esset executus, nec ferre posset eō cōfluentis populi strepitum, nec tamen etiam ab Episcopo, in cuius diocesi erat, missionē se impetraturum speraret, Prioribus electis, cum quibus ex beatissimi patris Benedicti regulæ præscripto sua onera partiretur, in remotiorem cellulam apud ecclesiam sese recepit, ut illic solus degens, diuinæ contemplationi liberius vacare posset.

Qualiter hinc vixit, quisnam depromere possit?

Hostia fit moriens, nec non & victima viuens.

Victima viua Deo, reuerā mortua mundo.

Hac tempestate Gislebertus Dux erat Lotaringiæ, vir quidem magnæ dignitatis & potentia, si tamen meminisse & intelligere voluisset illud propheticum: Homo cum in honore esset, non intellexit. Erat enim gener Henrici Regis celeberrimi, in matrimonio habens sororem Othonis, postmodum præstantissimi Imperatoris. Et quia in tantorum virorum, nempe patris & filij, mentionem incidimus, tametsi ab instituto deflectere videmur, at operæ precium tamen nos facturos arbitramur, si summam de illis pauca perstringamus: ut, qui vel quales fuerint, quandoquidem etiam alios legimus iidem nominibus appellatos, prudēs lector sine ambiguitatis scrupulo nosse queat. Henricus iste, non minus prudentia, quam fortitudine conspicuus, quemadmodum in Chronicis legimus, Othonis potentissimi Saxonum Ducis filius fuit. Ad regni autē gubernacula admotus, cum esset omnibus militiæ artibus instructissimus, multis, quas commemorare possemus, nationibus strenuissimè imperauit. Sed ut interim omitamus complura, ab illo prudenter & fortiter gesta, magnū & præclarum quiddam, quo totam, cui præerat, Austriam beavit, annotare visum est. Quod nimirum eiusmodi est, ut decessorum eius nullus tale quippiam fecisse legatur: ne ipse quidem, qui totū penē subegerat orbem, Carolus Magnus. Obtinuit enim lanceam Magni Constantini, Helenæ reginæ filij, inuentricis, ut & legitur, & creditur, salutiferi ligni. Ea autem lancea Crucis habuit effigiem, clauis, quod dictū quoque mirum videri queat, Dominico corpori affixis. Qua verò prudentia & solertia eam indeptus sit, & quanto eam venerationis studio prosecutus sit, cuiusdam Chronographi luculenta prodit oratio, quam ædificationis causa his inserere voluimus. Henricus Rex, inquit, ut erat Deum timens, & amator religionis Ecclesiasticæ, ubi percepit Rudolphum Burgundionū Regem habere tam cæleste & inestimabile donum, quod idem Rudolphus pro summæ amicitia munere à Samsone Comite acceperat, missis ad eum legatis, tentauit num oblati muneribus id ab illo impetrare, sibi que aduersus tum visibiles, tum inuisos hostes arma inuictissima triumphumque perpetuum comparare posset. At Rudolpho Rege id se nulla vnquam ratione cuiquam daturum asseuerante, modis omnibus Henricus Rex, quē muneribus emollire non posset, minis

B b b                    inten-

<sup>s</sup> Eugenij  
festū à Leo-  
diensi Epi-  
scopo mit-  
tatur.

Bronij amo-  
tis Clericis,  
monachi in-  
troducuntur.

Gerardus  
degit in cel-  
lula solita-  
rius.

Cap. 15.  
Psal. 48.

Henricus  
rex, Otho-  
nis Ducis  
Saxonum  
filius.

Quo pacto  
obtinuerint  
admirandam  
lanceam Con-  
stantini Ma-  
gni.

intentatis frangere conatus est, affirmans se omne eius regnum ferro & flammis vastaturum. Sed quia illud, quod petebatur, munus eiusmodi erat, quo olim Deus terrena caelestibus, utraq; pacificans, coniunxit, Rudolphi Regis animus tandem diuinitus est emollitus, ita ut iusto Regi iusta petenti annueret. Quo autem amore donum hoc eximium Rex Henricus complexus sit, hoc ipso vel maxime declarauit, quod non modo auri argentiq; muneribus Rudolphum Regem honorauit, verum etiam Sueviae provinciae non minima donauit parte. Deus autem, qui cordium inspector est, & bonas muneratur voluntates, qua mercede huius rei causa pium Regem Henricum in aeterna vita affecerit, quibusdam indicijs etiam in hoc seculo prodere voluit, quando hostes in ipsum incurrentes, hoc victorioso praeeunte signo, semper terruit atq; fugauit.

Hostes suos  
fugat virtu  
re lancea.  
Dominica.

Tali igitur occasione, diuina fauente voluntate, sanctam illam lanceam Rex Henricus adeptus est, quam filio, de quo nobis in praesentiarum sermo est, a vita decedens dereliquit vna cum regno, non minori veneratione ab eo conseruandam, ut non paucae testantur victoriae, quas per eam orando obtinuit. Qualis vero & quantus etiam hic inuidiosissimus Otho fuerit, idem chronographus declarat. Iste, iste, inquit, est Otho principum praecellentissimus, cuius sceptris Occidentis & Aquilonis regiones parent, cuius sapientia pacificantur, religione latantur, iusti iudicij seueritate terrentur. Quid hac laude praeclearius? Quid hoc testimonio euidentius? Fuit autem ei frater, nomen paternum, id est, Henrici obtinens, sed longe ab eius moribus degenerans: quippe qui improborum consilij trassersim actus, aduersus fratrem rebellauit. Et vt obiter quoq; mentio fiat quantulacumq; alterius fratris eius, Ducis atq; Archiepiscopi Brunonis, cuius memoria in benedictione est: quisnam eius virtutes pro dignitate referre queat? Sub eius enim procuracione & administratione sagacissima, qua radicibus vitiorum spuria vitulamina extirpabat, tanquam fructuosa arbor, Lotaringia pacis & iustitiae abundantia refluere visa est, ita ut palam illa testari videretur, sub eius tutela, aurea quondam secula reuixisse. Eius rei argumentum est Raginerus Comes Hainoensium haud ignotus, quem Longicollum cognominant: qui cum tyrannidem exerceat in suos comprouinciales, nec vellet redire ad sanitatem, semel atq; iterum commonitus, vsque in praesens in ignotis regionibus degit exul, id agente industria ambidextri Archiepiscopi Brunonis. Sed ne prolixior oratio fortassis tardius adferat lectori, iam ad narrandi ordinem redimus. Satis enim iam nostratibus compertum videretur, quemadmodum is Otho virorum constantissimus, coram victorifero prostratus labaro orando, trans Rhenum fratris Henrici, supradicti Ducis Gisleberti, & potentissimi Comitis Eberhardi parua manu copiosum equitatum in fugam compulerit, necdum militibus eius Rhenum traductis. Nec illud quoq; obscurum est, vt idem Gislebertus & Francigena Eberhardus, copijs magnis instauratis, Rhenum transmiserint, & circumqua; Saxonum vastata provincia, cum multa praeda ad idem flumen reuersi, vt in patriam redirent, ibi cum suis ab exercitu non magno, immo exiguo, Othonis cassi sint, illo in Alsatia rei exitum praestolante, & diuinum implorante auxilium. Vbi sane chronographus eiusmodi verbis vitur: Eberhardus gladijs occiditur, Gislebertus Rheni vndis submergitur: quas quia exorbere praemultitudine non potuit, anima recedente defecit. Sicq; completur vaticinium Psalmographi, dicentis: Homo cum in honore esset, non intellexit: Nam propter regni ambitionem haec illis euenere. Sed haec obiter inserta, nemini superuacanea videantur. non enim sine ratione in medium prolata sunt. Neque enim omnia norunt omnes. At nunc ad rem.

Otho's Ma  
gni Impera  
toris enco  
mion.

Brunonis  
Colonienfis  
Episcopi  
laus.

Victoria  
Othonis  
Magni de  
fratre.

Alter vi  
ctoria.

Psal. 48.

Cap. 16.  
S. Gisleus  
apparet Du  
ci Gisleber  
to.

Ei Duci Gisleberto, cum adhuc honor illi suus constaret, Christi confessor Gisleus, qui in Hainoensi quiescit territorio, nocte intempesta per visum apparuit, & querelis miscens preces, sic ei locutus est:

Dormis, an vigilas, nimum labentia curans?  
Gisleberte, meam complens attende loquelam.  
Da mihi Dux vnum, supplex efflagito, scutum,  
Quo communis oppugnem fortiter istus,  
Quos inferre mihi non desistunt inimici.

Cui heros Gislebertus ita per iocum respōdit: Quorsum tibi sancte Dei bellicus clypeus? Scuto diuine protectionis semper & ubiq; munitus, non indiges nostris, vt equidem arbitror, armis. At sanctus obscurius dicta explicans, Ne forte, inquit, suspensum te habeat sermo ambiguus, noueris me diutius ferre non posse quotidianas contumelias,

melias, quibus afficiūt me Vrsidongi Cellenses Clerici. In meo enim cœnobio, quod mihi Argolico Christus donauit, nulla omninò religio exercetur. Omnes, quæ sua sunt, quærunt: quæ autem Dei sunt, ea nihil pendunt. Corporis quidem mei glebam vehunt & reuehant per terram, sed eò tantùm, vt fidelium liberalitate se expleāt. Interim me nec lacescere desinunt, nec quiescere sinunt. & vt rem totam paucis expediam, nulla apud eos est reuerentia nostrī. Sed quia Lotaringia tibi paret, obsecro te per Christi nomen, nè differas idoneum mihi pastorem inquirere, sub cuius tuto moderamine pauxilla possim requie potiri. Quod quidem vt obtinere queas, à me paucis accipe: Est in pago Lomacensi locus, quem Bronium vocant, in quo quidam Gerardus degit, verus Christi seruus, in angusto domicilio diuinæ contemplationi vacans, in ipso videlicet monasterij vestibulo. Eum mihi assume, & cœnobij mei curam illi demanda: siquidem ad id muneris nemo in hac regione mihi illo magis idoneus videtur. His dictis, visio disparuit. Vt autem Lector intelligat, quid hæc beati Gislei querimonia velint, nõsse debet, habuisse eum hodiequæ habere oratorium eo in loco, quem alij Cellam, alij Vrsidongum vocant. Erant autem aliquot ibi instituti seu deputati Clerici in ministerium S. Gislei, regularis disciplinæ prorsus ignari, nec vt sunt hodiè canonici, sed quales sunt, quos Matricularios vocant. Ij verò partim rei familiaris inopia compulsi, partim auaritiæ morbo incitati, sacra beati confessoris ossa siue artus suis humeris per vicos & plateas solebant cantitando quæstus causa circumferre. A qua temeritate cum non cessarent, sed magis magisque in ea progredierentur, iustissima indignatione commotus, non passus est sanctus confessor id eos impunè diutius ferre. Permisit itaque se à pijs (vt ita dicam) furibus auferri, qui quodammodo molestè ferebant eam sancti viri iniuriam: vel, vt dicamus id, quod est vero similis, qui plùs delectabantur commodis suis, quàm alienis. Id vbi compererunt Cellenses illi clerici, serò agnoscentes culpam suam, non mediocri sanè & moerore & pudore sunt affecti.

Porro Gislebertus nõ immemor visionis, eam ad effectū perducere volens, accessit Cameracensem Episcopum Tietdonem & Raginerum Hainoensem Comitē, ijsque quicquid ea visione acceperat, exactè commemorat. Et cum ab eis peteret cõsilium, illi aiunt se nihil audere consulere aliud, quàm quod diuinitus facere iussus esset, præsertim cum Gerardus pro vitæ sanctimonia toti iam prouinciæ innotuerit. Tū Gislebertus ad eos: Ocyus ergò, inquit, ad virum Dei abite cum virga pastorali, cumque, velit nolit, curam huius Ecclesiæ suscipere compellite. Illi mox accinguntur ad iter, perueniunt ad locū optatum, perquirunt passim de seruo Dei, reperiunt eum in cellula secretiori delitescentem, salutant officiosè, in mutua charitatis oscula ruunt. Cumque itineris sui causas ei exposuissent, & quod ea legatio Deo authore suscepta esset, ille, vt erat columbina simplicitate, sic illis respondit: Qua ego ratione id efficiam, quod exigitis patres charissimi? Ego, inquam, mundi huius vanitati nuncium remisī, & diuino amori omnia posthabere decreui. Vos ipsi, quæso, ferte sententiã, num mihi isthuc expediat. Nouimus quid Apostolus dicat: Nemo militans Deo, implicat se negocijs secularibus. Oro, vt me sinatis tali sarcina liberum, plangēdis vacare peccatis meis. Atque sanè indignum me hoc munere confiteor, nec possum in me recipere, quod vultis. neque enim idoneus sum qui alijs præsim. Non suppetunt vires, sanctitatis mihi nulla sunt opera. Innocentis vitæ regulã cum ipse non sim consecutus, nulla apud me fiducia est rectè fungendi Ecclesiasticæ gubernationis ministerio. Ad eam excusationem legati responderunt: Per Christum te rogamus & obtestamur, dilectissime pater, & sacerdos pijsime, vt nè grauatim nobiscum proficiscaris, & ad te sustententis ecclesiæ gubernacula accedas. Non te latet, ab eodem dici Apostolo, vt omnis anima potestatibus sublimioribus subdita sit: nec illud te fugit, quod ab cæli ianitore dicitur: Siue Regi, quasi præcellenti: siue ducibus, &c. Neque verò id nos petimus, vt religionis cultum deseras, vel vt lenocinãtis mundi luxu repetas: sed vt ex hac cauerna egressus, exemplum præbeas sanctè viuendi fratribus, tua ope valdè indigentibus. Et par est, fortem ac strenuum Dei militem non intrã monasterij abscondi latibula, sed potius in ipsum certaminis campum ingredi, & cum hoste manus conferrere. Nec tibi tua vnus debet salus sufficere: sed etiam fraternæ æquum est saluti prouidere, cum possis prodesse multis, tum verbo exhortationis, tum religionis & pietatis exemplo. Christus in Euangelio dicit: Luceat lux vestra coram hominibus. & Nemo lucernam accendit, & ponit sub modio. Sed quid multis optis est verbis? Nõ ueris pro

Argolicū se dicit, quod est natione Gracus.

Abusus facti religiarum hic reprehenditur.

Oratorium S. Gislei.

Tollitur sacra reliquia illis abutentibus.

Cap. 17. Tietdo Cameracensis Epif. opus.

Recusat Abbatibus munus S. Gerardus.

2. Tim. 2.

Rom. 13.

1. Pet. 2.

Matth. 5. ubi dicitur.

certo, huius inobedientiæ rationem te redditurum in die illius tremendi examinis, nisi & nostris precibus, & fratrum salutem morem geras, maximè cum sic velit Deus. Tum vir sanctus lachrymans, dixit: Decreueram quidem solitarii degere, & mea peccata lachrymis diluere: sed ut video, velim nolim, cogor illum propositi rigorem remittere. Neque enim ausus sum venire contra voluntatem Dei, nec debeo Ducis iussa & vestras aspernari preces. Itaque prout ferent vires, fratrum necessitati subuenire constituo. Et nunc sine mora ibo vobiscum, tentabo quod iubetis: potest Deus perficere, quod à me fieri non potest. His auditis, mirè gratulantur legati, pedum pastoritium tradunt ei in manus, animi eius mœrorem huiusmodi sermone leniare conantur: Eia pastor sanctissime, matura proficisci ad ouile tibi commissum, & summi pastoris frater adiutorio, luporum rictus fortiter coercere enitere, nè fortè, quod absit, errantes ouicula ab illis deuorentur. Deindè eum secum abducentes, non absque incredibili Broniensis ecclesiæ luctu, celeriter Vrsidongum reperunt: & cum ei ex sacrorum Canonum præscripto, Ecclesiastica donatione Abbatia illius suppellectilem omnem assignassent, Abbatem eum constituunt. At ille clericorum illic degentium non bona vita accuratius inuestigata, cum etiam antea teter odor malæ illorum famæ ad ipsum perlatus esset, consultum existimauit, ut ab illa ecclesia excluderentur. In eorum autem locum substituit dignam Deo monachorum sodalitatem.

Tadè af-  
fentur, vt  
fit Abbas in  
S. Gifleni  
ecclesia.

Pro clericis  
substituit  
monachos.

Non diù post animaduertens, non illic haberi sacras beati confessoris Gifleni reliquias, (iam antè enim diximus sublatas fuisse) immenso animi dolore corripitur, nesciens quid in tam inestimabilis margaritæ dispendio faceret. Itaq; è suis quosdam ad se vocans, ijsq; sui animi angores exponens, quaquaersum eos mittit exploratum, possit ne certi quippiam resciri, vbinam thesaurus ille lateat. Illis verò frustra laborantibus, & perlustratis circunquaq; omnibus, nihil certi renunciantibus, tandem diuinitus ei venit in mentem, ut eius rei causa Melbodium proficiscatur. Abit Melbodium, & in ipsius oratorij ingressu ab introeuntibus subauditur cuiusdam tintinnabuli sonus crebrior, cunctis ignorantibus, & ni fallor, ipso etiam Dei seruo nesciente, quid is sibi velit. Fusa autè prius oratione attentissima, Dominiq; clementia implorata cum lachrymis, ut sanctum suum indicare dignetur, ex eius ecclesiæ habitatoribus cum summa modestia percontatur, habeant ne vel exiguum earum reliquiarum notionem atq; conscientiam. Illi persanctè iurant, sibi prorsus nihil de eis constare: quin etiam stomachantur & indignissimè ferunt se in sacrilegij suspicionem vocari. Tum vir Dei cum multa animi tranquillitate: Nè, quæso, inquit, filioli isthuc molestè feratis: potest Christus pro sua benignitate rem omnem nobis reuelare. Vbi enim humanum deficit, diuinum auxilium adsit oportet. Nocte sequenti viro Dei in oratorio pernoctanti, & Deum obnixè deprecanti, sanctus Giflenus stola indutus apparet, atq; ad illum: Cur mea causa, amice Dei, tantum tibi laboris & molestiæ fumis? Sed nunc disce ex me certissimè, vbi sit, quod quæris.

Diligenter  
inquirat vbi  
lateant S.  
Gifleni exu-  
vix.

S. Giflenus  
apparet S.  
Gerardo.

Cap. 19.

Inuenit ab-  
ditas S. Gi-  
fleni reliquias

Psal. 106.

Eccè super lacunaris tabulatum, quod imminet capiti tuo, vnde heri tintinnabuli sonus ab admirantibus auditus est, indecorè repositum est corpusculum meum. Nolim autem neq; te, neq; posteros latere tuos, non id absque Dei nutu accidisse. His dictis, in cælum abit. At vir Dei ea visione haud vulgariter exhilaratus, gratias agit Deo, nè ingratitude argueretur. Ut verò primos cœpit aurora cursus prouehere, cum suis in tabulatum ascendit, quærit sacros artus, inuentos præ gaudio lachrymans inde deponit, socijs itidem flentibus, munda inuoluit sindone, atq; in feretro decorè componens, hymnos Deo latus depromit, atque iter ingreditur, illos secum absorrens. Ecquid verò animi tum Melbodijsibus fuisse putamus? Clerus cum populo pedefactus conticuit, & viri Dei non ferens vultum, in latebras sese abdidit præ rubore. Non fuit ibi quisquam, qui vel mutire auderet. Completum illic fuit, quod Propheta ait: Omnis iniquitas oppilabit os suum. Eius rei fama velox passim volitans, finitimos populos certatim eò properare compulit, clamantes atq; dicentes: Salue sancte Dei, cineres saluete recepti. Omnimodas summae Trinitati & tibi gratias agimus, quod corporis tui prodidisti celatores, versipelles & subdolos pudore affecisti, tuarum merita virtutum declarasti. Quod genus est monstri, sanctorum reliquias suffurari? Vbinam sunt illi, qui tantum in se scelus admisere? Vbinam gentium degimus? Reuera cum scorpionibus habitamus. Hæc & his pleraq; confamilia dicentes, & ob repertas sacras reliquias inter se gratulabundi latantes, applaudebant venerabili sarcinæ. Ibant cle-  
rici

rici cum monachis cantantes, Crucem & vexilla ferentes manibus: sequebantur eos non parua vtriusque sexus agmina, nihilo minus Domino festiuè iubilantia. Ità cum ingenti Cleri populiq̃ tripudio, singulari industria eius viri, de quo nobis sermo est, almus confessor suo est loco honorificè restitutus. Vbi deputatis cœnobitarum excubijs, Domino Iesu Christo, qui est laus Angelorum, continèter laudes promuntur, eiusque emerito confessori venerabilis laudatio, & laudabilis veneratio exhibetur. Vt autem in sacrilegos inquisierit, & in conuictos animaduernerit Cameraensis antistes, nihil hîc commemorare necesse est, præsertim cùm id in sancti confessoris gestis annotatum sit. Verùm nè Gislebertus Dux sine laude à nobis abscedat, fuit ille Restituit eas suo loco erga S. Gisleberti locum siue monasterium satis humanus, & valdè munificus, quædam prædia subtrahens militibus suis, quibus non pauca beneficij loco contulerat, eaq̃ iure perpetuo possidenda tradens ibidem Christo militaturis. Vbi sanè vnū est, quod Gisleberti Ducis erga S. Gisleberti monasteriū liberalitas. moneo, repetens iterumq̃ monebo. Tibi dico Vrsidongi Cellensis monachè, qui Ducis Gisleberti largissima stipe victitas, vide nè sis aliquandò immemor animæ eius, sed incompræhensam clementissimi Saluatoris benignitatem precibus importunis pulses, Aurea perpetua vt cōtingat præmia vitæ. Et nè fortè desperabundus obmurmures, quòd aduersus dominū suum Romanum principem rebellârît: cogites eum durissima morte luiffe pœnas, & Dominum Iesum non bis vindicare in idipsum. Sed Nahum. 1. nunc, vndè deflexit, eò sese nostra referat oratio.

Cura hac pastorali suscepta, de qua iam non nihil egimus, vt sese in omnibus gesserit venerabilis Abbas Gerardus, obtusus stylus noster certè exarare non potest. Nè tamen cœptæ videamur materiæ succumbere, & doctis ludibrio simus, quòd iuxta illud Euangelij, edificare quidem cœperimus, sed non possumus consummare: ambimus multa precum instantia eius, de quo agimus, suffragia, vt sancti spiritus gratiam Cap. 20. nobis conciliet efficacissima intercessione sua, vt ea nobis dicenda suggerat, doceatq̃ hebetudinem nostram. Ille ergò beatus pater, apprimè monasticum edoctus canonem, fratres suæ curæ commendatos duplici ratione instituebat. Nam conuenienter saluberrimè beati Benedicti doctrinæ, capacioribus discipulis Dominica verbis proponebat mandata, simplicioribus verò eadem factis suis demonstrabat. At tamen omnia illa, quæ subditis vitanda dicebat, suis quoq; exemplis cauenda adstruebat, instar scribæ doctissimi, de thesauro suo noua & vetera proferens: eratq̃ talis Luc. 14. eius doctrina, qualis & vita. Et quia animarum curam sibi demandatam nouerat, ad reddendam rationem se sollicitè preparabat. Auream mediocritatem in omnibus conseruabat, malebatq̃ subditos amore ducere, quàm timore cōpellere. Et cùm Christi vices se gerere non ignoraret, ad eò se omnibus conformare & accommodare studebat, vt mira quadam charitate omnium moribus seruire videretur. Illis virtutibus, quibus, teste scriptura, nihil in vita hominibus vtilius est, præclare instructus fuit, prudentia, temperantia, fortitudine, & iustitia, vt rectè illud Seneca ei possit accommodari, Viri sacri corpus virtutes edificasse. Quotidiè ferè Missarum peragebat solennia, salutaris passionis memoriam celebrans: vt qui mortuus erat terrenis voluptatibus, & diuitijs spiritalibus vivebat, semper Dominico corpori concorporatus, omnes terribili hostis infestationes & incurfus profligaret. Matth. 15. Quod ore docuit, opere demonstrauit.

Cùm autem pro more quandoquæ sacrum celebraret mysterium, & Dominus Iesus iam vellet lucernam ardentem super candelabrum ponere, vt luceret omnibus in basilicam ingredientibus: quædam illic foemina adfuit ex vico Buxuto, qui Cella propinquus est, iam pridem luminibus orbata. Eam cùm rogarent alij, quid illic sustineret, aut qua causa eò venisset, Diuinam, inquit illa, expecto clementiam, & Abbatis huius, viri Dei humanitatem: simulq̃ modeste quendam ex adstantibus atrectans, ei voce lugubri in aurem insuffurat, Quæso te, inquit, mi domine, per immensam Dei misericordiam, vt miseræ mihi eam porrigas aquam, qua post sumptam Eucharistiam seruus Christi Gerardus abluet manus suas. Eam vt accepit, præpotentis Dei virtutem, ac beati viri fidem fideliter implorans, cum ingenti deuotione pitissando forbillauit, & faciem illa abluens, cæcasq̃ humectans pupillas, eadem hora lumen recepit, & clarissimè intuens ipsam inspectantes, ad viri Dei vestigia cum multa gratiarum actione prouolura est. At ille comiter eam eleuâs, blandeq; corripens: Desiste, inquit, filia ab hac cultus & officij specie, nec meæ exiguitati donum Dei insipienter adscribas. Nam per fidei tuæ meritum, & deuotæ spei accessionem, virtus sacramentorum tibi tuos reparauit obtutus. Abi igitur in pace, & soli Deo gratias age. Tum Cap. 21. Luc. 8. illa,

illa, quæ prius alterius ductu eò venerat, nullius egens ministerio, gratulabûda recepit. Eius miraculi fama citò longè lateqûe diffusa, in laudem Dei & serui eius venerationem permultos excitauit.

O lux vera Deus, cunctorum conditor vnus:

Secula per cuncta tua fit promissio vera.

Vos, inquit, Sancti, vos estis lumina mundi,

Nec valet in tenebris abscondi lux prohibitatis.

Matth. 5.

Cap. 22.  
Arnulphus  
Flandriae  
Comes, ex  
calculo cru-  
ciatur.

Per hoc tempus Arnulphus Marchio Flandriae dominabatur, vir valde opulentus quouis genere diuitiarum, vti hodieque claret in ditiori eius sobole. Is morbo grauissimo vexatus, nullam ex tãtis opibus ei potuit adhibere curationem. Rectè in eum quadraret versus ille: Aeger diues habet nummos, se non habet ipsum. Perpetuis enim cruciantis conficiebat eum calculus, morbus intolerabilis, vrinae meatus obstruens. Multi quidem ad eum aduolabãt medici, suam peritiam egregiè iactantes, vt scilicet à pecunioso homine nummos & lauras epulas emungerent. Aiebant illi incisione opus esse, & sine ea nullam ei posse fieri medicinam. Sed princeps veritus, nè, dum vitæ remedia captat, vitam prorsus amittat, non patitur se vlla ratione incidere. Porrò medici animum ei addere volètes, illo inspectante, octodecim eodem affectos morbo inciderunt, eosque omnes, dempto vno, qui mortuus est, breui curarunt. Sed ille vnus è vita ablati, facilè confirmauit Comitis animum, nè se pateretur incidere. Tandem Deo suam illi gratiam adspirante, ad se reuersus, spem, quam inconsultè in hominum arte posuerat, in eo collocat, qui omnia curat solo sermone. Hausso autem bono odore famæ beati Gerardi, præsertim ex illuminatione cæcæ mulieris, submisè admodum per celerem nuncium eum rogat, vt ad ipsum venire nè graueretur. Venit ille, & princeps honorificè occurrit venienti, eumque, vt par erat, officiosissimè excipit: indicat cum lachrymis morbi acerbiter: orat, pro ipso Deum omnipotentem vt deprecetur. At vir Dei, Crede mihi, inquit, mi frater, non ego tantæ mihi virtutis aut meriti conscius sum, vt tu quicquam eiusmodi à me debeas expectare. Perfectorum isthuc est, eorum maximè, qui iam corpore exuti, Domino semper assunt. Ego verò quisquam sum, vt à me homine vilissimo rem tam difficilem exigas? Si vis perfectam, Domino committe, medelam. At Comes ediuersò: Sentio, inquit, mi pater, quid velis: occasionem quaeris, nè id mihi præstes officij. Sed quaeso te, præpotentis Dei benignitate fretus, nè mihi differas adferre remedium, quod ego certissimè mihi in tanta doloris acerbitate per tuas preces adfuturum polliceor. Noli, obsecro, inhumanum te mihi exhibere, sed miserere mei, hominis moribundi, vt tu quoque Deus misereatur.

Insignis B.  
Gerardi hu-  
milis.

Cap. 23.  
Prudenter  
consultit Co-  
mitem, sanari  
cupienti.

Luc. 19.

Triduanum  
ei indicit  
ieiunium.

Comes fa-  
natur.

Beatus vir sic respondit lachrymanti: Nè videaris frustrà à me petijisse remedium, indicabo tibi, quid facias. Iacta semper in Dominum cogitatum tuum, & quia multis auctus es diuitijs, aliquid ex ijs erogato in pauperes, & poteris abolere enormitatem scelerum tuorum. Propter peccata enim interdum eiusmodi mala accidunt. Vbi verò hac ratione Christum tibi propitium reddideris, etiam optatam licebit recuperare salutem. Ad hæc Comes: Gratissimum est, inquit, quod hortaris, serue Dei, modò possim Christi experiri clementiam. Et ecce instar Zachæi illius Evangelici, dimidium bonorum meorum do pauperibus, si tamen sopiri queat morbus sauius, me miserè depascens. Deindè præcipit domesticis suis, vt fideliter sancti viri consilium exequantur. Porrò autem indicit ei vir Dei triduanum ieiunium, ipse pariter cum illo ieiunans, vt ea victus parsimonia purificati, immò spiritali refectioe recreati, digniùs ad Christi percipienda mysteria ambo accederent. Eo ieiunio religiosè, vt res exigebat, expleto, sanctorumque suffragijs lachrymosè imploratis, vir Dei diuinis accingitur armis, Missam que suo more lachrymabundus celebrat. Cumque iam sacram sumpsisset Eucharistiam, & Marchioni quoque inhiante expectanti eam impertijisset, confestim reddendi lotij appetitu Marchio corripitur. Itaque fecedens, nullo negotio cum vrina calculum reijcit, & pristinae sanitati mirabiliter restitutum se gratulatur. Quæ tum illius animum exultatio obtinuerit, quas Dei laudes, omnes illi fauètes deprompserint, quanta erga virum Dei extiterit veneratio, nemo, nisi fallor, requirit, cum nulla id possit à nobis oratione explicari. Hoc breuiter dixisse sufficiat, Flandriam omnem, eius casu aduerso penè exanimatam, eius comperta sanitate quodammodò reuixisse. At Abbas reuerendissimus, in humilitate bene fundatus,



datum, nequaquam sibi arrogauit huius beneficii munus admirabile, sed illud tribuit sacrosanctæ Eucharistiæ effectibus, cui nihil impossibile est.

Grates Christe tibi, laus, gloria iure perenni,  
Sanctos multiplici beneficio mirificanti.

At verò Comes Arnulphus, tanti in ipsum collati beneficii remunerator liberalis-  
simus, virum Dei permultis volens muneribus cumulatam à se dimittere, non pauca  
auri & argenti pondo ei obtulit, ut quondam Naaman Eliseo, in ipsius & fratrum eius  
vfu cessura. Sed vir sanctus modis omnibus ea recusauit, aitque ad Comitem: Si nos  
nostra reliquimus, quo pacto aliena accipimus? Monachus in terris sibi peculium  
vendicans, omnis est religionis expertus. Monachus pecuniosus, planè leprosus est.  
Quid est enim pecuniæ congeries, præsertim apud monachos, nisi quædam lepra  
animæ? Sed frater Gerardus non vult profectò pecuniosus esse, neque igitur, Domino  
miserante, leprosus erit. Ità ille vir Dei, totus Christi seruitio deditus, haud secus ti-  
mebat paupertatis suæ amittere securitatem, quam diuites avari solent incubare ser-  
uandis thesauris suis. Eius verò exemplo nos monachi instituti, philargyriam & aua-  
ritiam, immò Giezi lepram caueamus. Tandem sacramentis terribilibus Comes vi-  
rum Dei obstringens coëgit, ut facultatum eius saltem decimas acciperet, easque  
pro sua prudentia dispenseret. Sed hoc quoque primò humiliter subterfugit, at tamen  
paulò post non ambitiosè suscepit, easque decimas prudentissima consideratione &  
fidelissima dispensatione in tres partes distribuit ac erogauit, duas partes monasterijs  
& egenis tribuens, tertiam verò Broniensi ecclesiæ necessariò reseruans. Ea nanque  
tempestate Broniensi ecclesia erat instar arbusculæ recens plantatæ, necdum satis  
radicata: quæ irrigatione expetens, si cultoris industria dormitet, marcescit & inuti-  
lis fit. Nec hoc tamen contentus Comes, beati viri insigni probitate & religione per-  
motus, Abbatiarum omnium, quæ eius ditione continebantur, ei procuratione com-  
missit. Hac ille sanctus pater autoritate auctus, mox sibi creditas oues inuisere statur-  
it, nè quas ex eis lupus deuoret. Principiò itaque, Blandiniense adit monasteriũ, à beato  
Amando Episcopo Gandau fundatum. Quod tum sanè comperit non solum omni  
religione monastica nudatum, & à quibusdam sceleratissimis clericis occupatum, sed  
etiam impiorum infestatione propè redactum in nihilum: tum quoque, quod omni  
lachrymarum fonte plangendum erat, trium sanctorum illic conditorum reliquijs  
spoliatum. At verò strenuus ille miles Christi, diuino fretus adiutorio, nullis cessit la-  
boribus: sed irreligiosis indè eiecdis clericis, licet suam illi generis iactarent ventosam  
nobilitatem, & quibusdam instauratis, religiosos monachos illis subrogauit, quem-  
admodum iam antè duobus locis eum fecisse diximus. Sed id Clerici illi ægerrimè  
ferentes, vlciscique cupientes, maligno eos incitante dæmone, studijs viri Dei inui-  
dere, eius vitæ derogare, & quoscunq; possent, ab eius visitatione & colloquio retra-  
here cœperunt. Cum autem cernerent nihil se eius posse impedire conatus, sed eius  
existimationem & famam magis magisque augeri, ad id vsque amentia, liuore eos ex-  
stimulante, adducti sunt, ut in tantum virum, proh nefas, eadem machinari non dubi-  
tarent. Sed Domino illum protegente, eorumque conatus elidente, quodam die cum  
factionis sacrilegæ socijs in templi valuas irruerunt eo animo, quod dici sine horrore  
non potest, ut ad ipsam sacram aram, quamuis sacerdotali indurum veste, eum truci-  
darent. Quibus ille mira animi constantia obuiam procedens, alacriter sese obtulit  
hostiam Deo, ut posset de illo quoque dici, Permanet intrepidus, confidens ut leo, iu-  
stus, simulque obiurgans eos: O fratres, inquit, quæ tanta exagitat vestras insania men-  
tes, ut aduersum me imbellem rebelles, etiam arma corripatis? Etsi autem nullis ego  
sum terrestribus munitus armis, cælestia tamè mihi non deerunt. Itaque non me ter-  
rent vestra spicula, neque hæc tam insignis audacia & temeritas. Non ego recuso pro  
Domino Iesu haurire mortis calicem, cum ille pro me tam multa perpeffus sit in cor-  
pore suo. Hæc eo dicente, scælesti illi in faciem eius intendentes, diuinum quiddam &  
admirabile conspicantur, ingenti que concussi pauore, coram illo proni in terram cor-  
ruunt, animoque consternati, & vltra modum exanimati, vix verba, quibus eum de-  
precentur, edere possunt. Ignosce, inquit, pater venerabilis, ignosce sceleribus nos-  
tris, nec reputes, quòd tam stultè in te commisimus. Miserere lugentium, da veniam  
dolentibus. Tum ille clementer eos eleuans, ait ad illos: Quandoquidem agnoscitis  
facinus vestrum, & poenitentiam declaratis, benignus Saluator ignoscat vobis. Ego  
quoque hac conditione libens ignosco, ut quemadmodum hætenus huic ecclesiæ

Cap. 24.

4. Reg. 5.  
Respuit vir  
Dei Comi-  
tis munera.  
Monachi  
pecuniosi,  
spirituales  
leprosi sunt.Ibidem.  
Coactus ac-  
cipit deci-  
mas facult-  
atum eius.Cura oim  
Abbatiarũ  
Flandriæ, ei  
demãdatur.  
Reformat  
monasteriũ  
Blandiniense  
Gandau.Patitur æ-  
mulos & ob-  
trepatores.Mortè con-  
temnit.  
Prou. 28.Terrètur, &  
venia petũt  
eius percuf-  
sores.

fuiſtis impedimento, ità deinceps non fictis animis ei prodeſſe curetis. Et nunc cum pace abite.

Cap. 25.

Post hæc, dici non poteſt, quanta animi exultatione, bearorum Vuanregiſili, Anſberti, atque Vulfranni corpora à Bononia ſiue Bologna, ad ſua loca reduxerit. Eius rei tota Flandria teſtis eſt. Quarum ſanè reliquiarum eccleſia Bronienſis expers non eſt. Nam inter cætera Gandauo eò apportatum eſt eiufdem beati Vuanregiſili Abbatis brachium, & quod maius eſt, inestimabilia pignora principis Apoſtolorum. Vt autem breuitati ſtudeamus, & ex multis pauca duntaxat commemoremus, quàm ſtrenuè etiam ſancti Bertini monaſterio beatus Gerardus aliquandiu præfuerit, hoc loco præterimus, vti & fructus egregios diſciplinæ regularis, quos inde tulit. Nè tamen proſuſ omittamus, quæ à Maioribus accepimus, octodecim cœnobiorum fertur curam & adminiſtrationem peruigilem ſuſcepiffe. Vt eam autem monaſteriorum eurådorum ſolicitudinem admitteret, magnus effecit feruor & ſtudium Domino colligendi. Ità enim per ſingulorum habitacula liberiùs diſcurrebat, vt corda audientium cæleſtis patriæ amore inflammaret. Quo ſanè laudabili exercitationis genere, multorum animos ſibi adiunxit familiariter, eorumquæ ſibi beneuolentiam conciliauit ad eò, vt ex diuerſis locis multi ad eum monachi aduatarent, tanti viri pudicos mores & religioſos actus pro viribus imitari cupiètes. Diceres, ex diuerſis aluearibus apes ad hanc floridam aduolare arborè, vt inde hauſtum mel ſauis ſuis arentibus inſtillarent. Et ille ſanè benigno eos & grato animo excipiebat, abundeque monaſtica regulà inſtituta eis depromebat, ex diſcipulis magiſtros idoneos, ex perfectis perfectiſſimos doctores efficiens. Ità recedebant alij moribus & religione inſtituti, accedebant alij itidè ab illo inſtituendi. Perpetuò nanque ceu nardus quædam miro fragrabat virtutum odore, & Scripturarum fontes aperiens, arentia pectorum prata irrigabat: diuinique aromata verbi, cuius vitali redolebat ſuauiſſe, fratrum inſtrumentis languentiù animis impertiebat, vt ea ruminantes, & in viſcera traſcipientes, ab omnibus vitiorum morbis reualeſcerent, guſtarentque quàm ſuauiſſe ſit Dominus, in illo ſpem ſuam collocantibus.

Præſt mo-  
naſterio S.  
Bertini.

Curâ gerit  
cœnobio-  
rum.

Multi ab eo  
p̄clari inti-  
tuitur mo-  
nachi.

Cap. 26.  
Tumultus  
bellici.

Per idem tempus non mediocris concertatio & bellicus tumultus inter Auſtraſiæ & Neuftriæ principes ortus eſt: qui, Deo hominum flagitia viciſcente, vſque eò progreſſus eſt, vt paſſim non modò in diſcrimen venirent reipublicæ negocia, ſed etiam nulla ſanctæ Dei Eccleſiæ reuerentiâ præſtaretur. Cauſam huius ſi quis nõſſe velit, conſulat chronographos. Fiebant tum ſtrages virorum, orbitates liberorum atque fœminarum, incendia vrbium, hominum captiuitates, eccleſiarum vaſtationes.

Villarum prædas quis comparet atque rapinas?

Quis ve cruori uomas poſſit perſtringere pugnas?

Cura eius  
in cõferuan-  
dis mona-  
ſterijs.

Ea neceſſitate compulſus beatus Gerardus, celeriter Catulliacum S. Dionyſij profectus eſt, vt Abbatiam Bronienſem à fratribus Chriſto illic famulantibus redimeret ea pecunia, quam, cogente Arnulpho Comite, acceperat. Per multum enim verebatur, nè in tanta rerum tempeſtate deſtrueretur, præſertim quòd remota à ſtibus Mero-vingiæ, cuius ditionis erat tum, in media Lotaringia ſita eſſet. Mox verò cã Faraberti, ex Abbate Prumièſi Leodièſis Ep̄ſcopi tutelâ commendauit, quãdoquidem eius diocèſi continebatur. Quanti autem eam, licet paruum, ille fecerit, quantumque amârît, euidentiffima declarauit liberalitate, donans illi Abbatia viginti manſos, vt vocant, telluris inſtaurata, quos hodieq; ſine vlla cõtrouerſa obtinet in eius circuitu ſitos. At amicus Dei beatus Gerardus in omnibus conſulere cupiens Bronienſi monaſterio, tametsi iam ætas grauior immineret, non tamen detrecauit Romam proficiſci, vt oratorio, quod ipſe fundauerat, ſummi Apoſtolorum principis Petri imploraret patrocinium, & à Chriſti vicario Pontifice, de rebus & libertate eius monaſterij literas authenticas impetraret. Quas cum mira alacritate animi Stephanus Pontifex inſiſſet conſcribi, viro Dei eas dictante, plumbeo ſigillo munitum ei contulit priuilegium, facta etiam ei poteſtate, vt eius confirmandi gratia, Pontificis nomine iuberet ſubſcribere Ep̄ſcopos omnes, per quos, reuertens in patriam, tranſiturus eſſet. Eæ literæ ſummo ſtudio hæcenus in Bronienſi monaſterio aſſeruantur.

Romam p̄-  
ficiſcitur.

Priuilegiũ  
Abbatia  
Bronienſ.

Cap. 27.

Cum autem ab vrbe Roma proficiſcens, ad montem Iouis proſperrimè perueniſſet, & cum ſocijs per anguſta eius mōris latera iter haberet, vnus ex ſeruis clitelarijs, qui porphyrites ferebat, neceſſarij cuiuſdam decoris cauſa à ſancto viro abſportari iuſſos, deorsum ruit in concaua vallis. Quod cum moleſtiſſimè ferrent itineris comites,

tes, nihil prorsus motus vir Dei, Cur, inquit, hæc res vos perturbat, fratres mei? Sit laus Deo pro cunctis beneficijs eius. Accitoque vno ex illis, quos marones vocant, proposita illi mercede, iussit eum clitelarij sarcinam quarere, in qua erant prophyrites. Eos enim præ cæteris nolebat perditos, fortassis ideò, quòd omnerarum, charum dici soleat. Quis enim hominem illum sine vlla ambiguitate extinctum non crederet? Quis vel corpus ad terram integrum peruenisse putaret, per tot prolapsum scopulos, quibus iurè discerpit videretur? At ille non solum viuus, sed etiam incolumis & illæsus repertus est cum lapidibus. Facile autem omnibus persuasum est, idcirco eum in tam immani præcipitio lædi non potuisse, quòd eum ruentem preces viri Dei sustentassent. Ex eo autem lapide, vt in præsentiarum cernere licet, summa Broniensis ecclesie ara confecta est.

Hinc redit ad propria sacer & venerabilis Abba,  
Magnificans Dominum, qui dirigit acta suorum.

Tandem autem diuini spiritus reuelatione edoctus, sciens imminere diem illum, quo esset redditurus rationem villicationis suæ, operæ precium existimauit reuifere cœnobia fratrum, sub eius cura degentium, ac deinceps tanto se fasce leuare, locoque suo idoneum pastorem singulis cœnobijs præficere. Suscepto ergo itinere, cum appropinquasset villæ Marcianæ, quam Sambre fluuius alluit, pueri eius horam prandendi adesse cernentes, congruum sibi & equis captant diuerticulum extra viam, amœnoque & herbido in loco ad cibum sumendum discumbunt. At vir Dei sub quadam residens arbore, amicæ abstinentiæ studebat, & quanuis à suis importunissimè inuitaretur, adduci tamen non potuit, vt cibo vesceretur: sed vos, inquit, filij cum Dei benedictione comedite: meum verò non est, hac diei hora escam attingere, præsertim cum piscis desit, quo me reficiam. Hoc ille dicebat, vt posset impransus abire. Illis verò huic in modum inter se sermones conferentibus, pieque contententibus, auis quadam, ea in arbore suos fouens pullos, non paruum piscem ad eius pedes deiecit. Id videntes famuli eius, cum quodam ioco, at tamen reuerenter aiunt ad eum: En pater reuerende, paulo antè pratexebas non adesse piscem: vel nunc saltem noli respicere escam cælitus missam. Iam enim nulla relicta tibi est iusta excusatio. Tandem victus ille ab eis, vescitur cum eis, sed reliquias cibi iubet pullis eius auis apponi, nè fame cruciarentur. Sumpto cibo cum gratiarum actione, singula filiorum cœnobia inuisere pergit, paternam illis sollicitudinem representans, & de monastica conuersatione eos admonens, diuinaque eruditione affatim instruens, multis quoque modis adhortans, vt seruantes vnitatem spiritus in vinculo pacis, aduersus iacula maligni demonis, semper in acie tanquam benè armati milites starent. At illi salutares eius sermones cum multa auiditate accipientes, & corporalem præsentiam inexplibili desiderio complectentes, ab imo pectore longa trahunt suspiria, orantque lachrymabundi, nè discendant ab eis. Quibus ille sic fertur respondisse: Non ita, fratres mei, æquum est fieri. Hereditas mea præclara est mihi, vbi requies mea, vbi habitare constitui, quoniam præcunctis eam mihi elegi. Ita demum omnibus ritè compositis, & pastoribus vnà cum ouibus summo pastori cõmendatis, beatus vir pauper spiritu, ditioribus monasterijs, quæ gubernauerat, derelictis, ad amicam Broniensis monasterij paupertatem se recepit. Vbi cum omnia mira solertia disposuisset, & fratrum pectora geminæ charitatis limpidiſſimo fonte vbertim irrigasset, iam prouectiori ætate prægrauatus, in dies viribus deficere cœpit. Itaque data fratribus pace, cupiens dissolui & esse cum Christo, exitum suum è vita, corporis & sanguinis Domini perceptione munivit: iubensque pullari campanam, quæ ipso volente fusa, & Episcopi benedictione sacrata erat, vbi eius suauior insonuit tinnitus,

Concentu cæli meruit sine fine beari:  
Miles & emeritus, meritorum lumine clarus,  
Ad fontem viuum sitiens, plenusque dierum,  
Deposito fragilis tandem velamine carnis,  
Christi lucifluam Iesu transmigrat in aulam,  
Prænitet Octobris quando lux tertia mensis.

Feliciter  
abit in cæ-  
los.

SS. SANCTINI ET ANTONINI Vitam reperiet Lector IX. die Octobris post Vitam beati Dionysij Areopagitæ, cum Epistola Hincmari.

VITA